



GOVERNMENT OF KOSRAE  
 Office of the Governor  
 Kosrae State  
 Post Office Box 158  
 Tofol, Kosrae FM 96944  
 Telephone (691) 370-3002/3003/3009

Governor's Mssg.  
 No. 13-11  
 elyso -

SIE PUHSRA IN SULKACKINYUCK MAHLEM IN AHKYOHKYE KAHLEM LUHN MWET KOSRAE UH KE  
 INVASIVE SPECIES

KE SRIPEN, Invasive Species kuh ma oasr moul la ma tuhkuh sahyac me, oasr ke inkof uh, we acn uh kuh fin acn uh. Ma inge ahkkolukye, kunaoslah, kuh oraclah elyah yohk nuhke mwe kahsrup lasr ma kuht mwet Kosrae uh muhta orekmakihn, mongo kac, use kasrpacsr ac moul mislac nuh sesr; ac

KE SRIPEN, in kohsraclah, karihngihn, kuh kunahoslah ma inge wi luhpah ma muhsahllah ke sacn suhnacsr, ma kuht pahtuhri, sahk kuh fukun acn uh ac toeni tuh mwe elyah na yohk se;ac

KE SRIPEN, sahyen muhsahllah kuh koluklac luhn acn in muhta ac mongo luhn ma moul puhs ma oasr ke kain in acn inge, Invasive Species inge pa sie mwe sensen yohk ma ac pacnacng elyah yohk nuhke moul luhn ma inge ac acn in muhta lalos;ac

KE SRIPEN, invasive species uh ahkkolukye moul luhn sahk ac ma orahkrahk ac ekuhllah aten acn uh kuh inkof uh, ke sripen elos kap wel ac kuh in ahkkolukyelah ac ekuhllah uti utyak luhn kof uh;ac

KE SRIPEN, invasive species el ahksuhmuhiye kapack wowo nuhke ip luhn business, muhsah, imac kuh finne oraclah elyah yohk nuhke moul luhn mwet uh. Fahfahlac in arulacna upac in karinginyuck tuhkuh kuh ilyak luhn ma inge ke sripen upaclah kuh fususeni utyak luhn kahko ac forfor luhn mwet lasr kuh mwet sahyac nuh fin acn uh.

KE SRIPEN, invasive species el kahlwem tuh mwe elyah yohk se nuhke ma mwet mahtuh lasr ah orekmakihn kuh moulkin emeet me fahfahsruh nuhke fihi lasr mihsenge, apkuhran in tahfuh ma inge akihlenyuck tuhna fahfahlac in wacngihnlac kuh suhpuhseni yorohsr misenge.

Oinge, ke puhsren mwe sulkackinyuck se inge, Governor lasr Kosrae uh oakiac tuh len 10 ke mahlem March ke yac nuhkewa in tuhfa ahkihlenyuck Kosrae muh len in ahkyohkye etacack ke Invasive Species ac sensen ma Invasive species ac kuh in ahkkolukyelah ke kasrpacsr, onwacngacsr ac muhtwacngacsr. Ngisre ke inse muhlahlah ac akacsruhi luhn mwet nuhkewa Kosrae in oruh ohiyac ma ac kuh in kahsrup ahkyohkye kalmen len se inge.

Hon. Tulensa W. Palik  
 Governor, Kosrae State Government

2.24.23  
 Date

"TUKENI OREKMA IN AKWOYE MWET LASR A AN SESR KOSRAE"  
 "WORKING TOGETHER FOR THE WELLBEING OF OUR PEOPLE AND KOSRAE"

02/24/23  
  
 KSI / lisa